

四庫全書

集部

欽定四庫全書

集部

御定全唐詩卷六百

全至  
九十一

詳校官庶吉士臣胡 鈺

主事銜臣徐以坤覆勘

總校官知縣 臣 繆 琪

校對官中書 臣 石鴻 翥

謄錄監生 臣 張 濤

欽定四庫全書

御定全唐詩卷六百八十八

孫偓

孫偓字龍光武邑人乾寧中宰相封樂安公詩三首

寄杜先生詩

蜀國信難遇楚鄉心更愁  
我行同范蠡師舉效浮丘  
他日相逢處多應在十洲

贈南嶽僧全玘

末句缺一字

窠居過後更何人傳得如來法印真昨日祝融峰下見  
草衣便是雪山

荅門生王渙李德鄰趙光胤王拯長句

一作裴贊詩

謬持文柄得時賢粉署清華次第遷昔歲策名皆健筆  
今朝稱職並同年各懷器業寧推讓俱上青霄肯後先  
何事老夫猶賦詠欲將酬和永留傳

句

好是步虛明月夜瑞爐蜚下醮壇前

見玉堂閒話

陸扆

陸扆字祥文吳郡嘉興人家於陝昭宗朝拜相遷洛後  
貶濮州司戶死白馬驛集七卷今存詩一首

禁林聞曉鶯

曙色分層漢鶯聲繞上林報花開瑞錦催柳綻黃金斷  
續隨風遠間闕送月沈語當溫樹近飛覺禁園深繡戶  
驚殘夢瑤池轉好音願將棲息意從此沃天心

句

今秋已約天台月

紀事

薛昭緯

薛昭緯河東人乾寧中為禮部侍郎天復中累貶磧州

司馬詩二首

華州榜寄諸門生

時君過聽委平衡粉署華燈到曉明開卷固難窺浩汗  
執衡空欲慕公平機雲筆舌臨文健沈宋篇章發詠清

自笑觀光輝

下闕

謝銀工

一櫟斃根數十皴盤中猶更有紅鱗早知文字多辛苦  
悔不當初學冶銀

陸翱

陸翱義興人登第不受辟而卒宰相希聲之父詩二首  
閒居即事

衰柳迷隋苑衡門啼暮鴉茅厨煙不動書牖日空斜  
悔下東山石貧於南阮家沈憂損神慮萱草自開花

趙氏北樓

慇懃趙公子良夜竟相留  
朗月生東海仙娥在北樓  
酒闌珠露滴歌迴石城秋  
本為愁人設愁人到曉愁

狄歸昌

狄歸昌官侍郎光化中歷尚書左丞詩一首

題馬嵬驛

一作羅隱詩

馬嵬煙柳正依依  
重見鑾輿幸蜀歸  
泉下阿蠻應有語  
這回休更怨楊妃

裴廷裕

裴廷裕字膺餘昭宗時翰林學士左散騎常侍後貶湖南卒詩二首

蜀中登第荅李搏六韻

何勞問我成都事亦報君知便納降蜀柳籠堤煙直蠹  
海棠當戶燕窠窠富春不並窮師子濯錦全勝旱曲江

高捲絳紗楊氏宅

時主文寓揚子巷故有此句

半垂紅袖薛濤牕

花泛鷓鴣詩千首靜衆

寺名

尋梅酒百缸若說絃歌與風景

主人兼是碧油幢

偶題

微雨微風寒食節半開半合木蘭花看花倚柱終朝立  
却似淒淒不在家

李沈

李沈字東濟江夏人宰相礪之子也與礪同為王行瑜  
所殺行瑜敗贈禮部員外郎詩六首

閒宵望月

卷箔舒紅茵當軒翫明月懿哉深夜中靜聽歌初發苔  
含殿華濕竹影蟾光潔轉扇來清風援琴飛白雪行愁  
景候變坐恐流芳歇桂影有餘光蘭燈任將滅

醮詞

犬咬天關閉彩童呼仙吏一封紅篆書為奏塵寰事八  
極鼇柱傾四溟龍鬣沸長庚冷有芒文曲澹無氣烏輪  
不再中黃沙瘞腥鬼請帝命真官臨雲啓金匱方與清  
華宮重正紫極位曠古雨露思安得惜沾施生人血欲

盡攬搶無飽意

巫山高

抉天心開地脉浮動凌霄拂藍碧襄王端眸望不極似  
睹瑤姬長歎息巫妝不治獨西望暗泣紅蕉抱雲帳君  
王妬妾夢荆宮虛把金泥印仙掌江濤迅激如相助十  
二獐龍怒行雨崑崙謾有通天路九峰正在天低處

夢仙謠

海宮蹙浪收殘月挈壺掌事傳更歇銀蟾半墜恨流咽

六鼇披月撼蓬闕九氣真翁騎白犀臨池靜聽雌蛟啼  
桂花浥露曙香冷八窓玉朗驚晨雞裁紗翦羅貼丹鳳  
膩霞遠閉瑤山夢露乾欲醉芙蓉塘迴首驅雲朝正陽

秋霖歌

西方龍兒口猶乳初解驅雲學行雨縱恣羣陰駕老虬  
勺水蹄涔盡奔注葉破苔黃未休滴膩光透長狂莎色  
恨無長劍一千仞劃斷頑雲看晴碧

方響歌

敲金扣石聲相凌遙空冷靜天正澄寶餅下井轆轤急  
小娃弄索傷清冰穿絲透管音未歇迴風繞指驚泉咽  
季倫怒擊珊瑚摧靈芸整鬢步搖折十六葉中侵素光  
寒玲震月雜珮璫雲和不覺罷餘怨蓮峰一夜啼琴姜  
急節寫商商恨促秦愁越調逡巡足夢入仙樓戛殘曲  
飛霜稜稜上秋玉

裴贄

裴贄字敬臣及進士第累擢右補闕御史中丞刑部尚

書昭宗時拜中書侍郎兼本官同中書門下平章事帝  
幸鳳翔為大明宮留守罷俄進尚書左僕射以司空致  
仕為朱全忠所害詩一首

荅王渙

一作孫  
偓詩

謬持文柄得時賢粉署清華次第遷昔歲策名皆健筆  
今朝稱職並同年各懷器業寧推讓俱上青霄肯後先  
何事老夫猶賦詠欲將酬和永留傳

盧汝弼

才調集  
作盧弼

廬汝弼登進士第以祠部員外郎知制誥從昭宗遷洛  
後依李克用克用表為節度副使詩八首

薄命妾

君恩已斷盡成空追想嬌歡恨莫窮長為舜花光曉日  
誰知團扇送秋風黃金買賦心徒切清路飛塵信莫通  
閒凭玉欄思舊事幾回春暮泣殘紅

秋夕寓居精舍書事

葉滿苔階杵滿城此中多恨恨難平踈簷看織蠶娟網

暗隙愁聽蟋蟀聲  
醉卧欲拋羈客思  
夢歸偏動故鄉情  
覺來獨步長廊下  
半夜西風吹月明

聞雁

秋風蕭瑟靜埃氛  
邊雁迎風響咽羣  
瀚海應嫌霜下早  
湘川偏愛草初薰  
蘆洲宿處依沙岸  
榆塞飛時度晚雲  
何處最添羈客恨  
竹窓殘月酒醒聞

鴛鴦

雙浮雙浴傍苔磯  
菱浦蘭皋繡帳幃  
長羨鴛鴦能潔白

不隨鴻鵠鬪毛衣霞侵綠渚香衾暖樓倚青雲殿瓦飛  
應笑隨陽沙漠雁洞庭煙暖又思歸

和李秀才邊庭四時怨

春風昨夜到榆關故國煙花想已殘少婦不知歸不得  
朝朝應上望夫山

盧龍塞外草初肥雁乳平蕪曉不飛鄉國近來音信斷  
至今猶自著寒衣

八月霜飛柳半黃蓬根吹斷雁南翔隴頭流水關山月

泣上龍堆望故鄉

朔風吹雪透刀瘢  
飲馬長城窟更寒  
半夜火來知有敵  
一時齊保賀蘭山

御定全唐詩卷六百八十八

欽定四庫全書

御定全唐詩卷六百八十九

陸希聲

陸希聲吳人博學善屬文尤工書初隱義興後召為右  
拾遺累遷歙州刺史昭宗聞其名徵拜給事中尋除戶  
部侍郎同中書門下平章事在位無所輕重以太子少  
師罷卒贈尚書左僕射謚曰文有頤山詩一卷今存二  
十二首

山居

一作房

即事二首

君山蒼翠接青冥，東走洮湖上洞庭。  
茅屋向陽梳白髮，竹窓深夜誦丹經。  
湧泉回泐魚龍氣，怪石驚騰鳥獸形。  
為問前時金馬客，此焉還作少微星。

不是幽棲矯性靈，從來無意在羶腥。  
滿川風物供高枕，四合雲山借畫屏。  
五鹿歸來驚嶽嶽，孤鴻飛去入冥冥。  
君陽遁叟何為樂，一炷清香兩卷經。

陽羨雜詠十九首

苦竹逕

山前無數碧琅玕一逕清森五月寒世上何人憐苦節  
應須細問子猷看

梅花塢

凍蘂凝香色豔新小山深塢伴幽人知君有意凌寒色  
羞共千花一様春

石兜臺

大河波浪激潼關青兜胡為伏此山遙想楚王雲夢澤

蜺旌羽蓋定空還

講易臺

年逾知命志尤堅  
獨向青山更絕編  
天下有山山有水  
養蒙肥遯正翛然

觀魚亭

惠施徒自學多方  
謾說觀魚理未長  
不得莊生濠上旨  
江湖何以見相忘

綠雲亭

六月清涼綠樹陰  
小亭高卧滌煩襟  
羲皇向上何人到  
永日時時弄素琴

清輝堂

野人心地本無機  
為愛茅簷倚翠微  
盡日尊前誰是客  
秋山含水有清輝

觀妙庵

妙理難觀旨甚深  
欲知無欲是無心  
茅庵不異人間世  
河上真人自可尋

西陽亭

隔林殘日照孤亭  
玄宴先生酒未醒  
入夜莫愁迷下路  
昔人猶在逐流螢

弄雲亭

自知無業致吾君  
只向春

一作空

山弄白雲已共此山私

斷當不須轉轍重移文

伏龜堂

盤崖蹙縮似靈龜  
鬼谷先生隱遁時  
不獨卷懷經世志

白雲流水是心期

桃花谷

君陽山下足春風  
滿谷仙桃照水紅  
何必武陵源上去  
澗邊好過落花中

含桃園

小圃初晴風露光  
含桃花發滿山香  
看花對酒心無事

倍一作但覺春來白日長

茗坡

二月山家穀雨天半坡芳茗露華鮮春醒酒病兼消渴  
惜取新芽旋摘煎

松嶺

嶺上青松手自栽已能蒼翠映莓苔歲寒本是君家事  
好送清風月下來

桃溪

芳草霏霏遍地齊桃花脉脉自成谿也知百舌多言語  
任向春風盡意啼

李徑

一徑穠芳萬葉攢  
風吹雨打未摧殘  
憐君盡向高枝發  
應為行人要整冠

鴻盤

落落飛鴻漸始盤  
青雲起處剩須看  
如今天路多繒繳  
縱使銜蘆去也難

偃月嶺

山嶺依稀偃月形  
數層倚石疊空青  
幾迴雪夜寒光積

直似金光照戶庭

寄誓光上人

筆下龍蛇似有神  
天池雷雨變逡巡  
寄言昔日不龜手  
應念江頭泝泝人

李昭象

李昭象字化文父方玄為池州刺史因家焉懿宗末年  
以文干相國路巖巖問其年曰十有七矣巖年尚少尤  
器重之薦於朝將召試會巖貶遂還秋浦移居九華與

張喬顧雲輩為方外友詩八首

喜杜荀鶴及第

深巖貧復病榜到見君名貧病渾如失山川頓覺清一  
春新酒興四海舊詩聲日使能吟者西來步步輕

赴舉出山留寄山居鄭叅軍

還如費冠卿向此振高名肯羨魚鬚美長誇鶴鬣輕理  
琴寒指倦試藥黑髭生時泰難雲卧隨看急詔行

題顧正字谿居

高敞吟軒近釣灣塵中來似出人間若教明月休生桂  
應得危時共掩關春酒夜棊難放客短籬疎竹不遮山  
莫誇恬淡勝榮祿雁引行高未許閒

寄獻山中顧公員外

抽却朝簪著釣蓑近來聲迹轉巍峩祥麟避網雖山野  
丹鳳銜書即薜蘿乍隱文章情更逸久閑經濟術翻多  
深慚未副吹噓力竟困風埃爭奈何

山中寄崔諫議

半生猿鳥共山居  
吟月吟風兩鬢疎  
新句未嘗忘教化  
上才爭忍不吹噓  
全家欲去干戈後  
大國中興禮樂初  
從此升騰休說命  
祇希公道數封書

學仙詞寄顧雲

記得初傳九轉方  
碧雲峰下祝虛皇  
丹砂未熟心徒切  
白日難留鬢欲蒼  
無路洞天尋穆滿  
有時人世美劉郎  
仙人恩重何由報  
焚盡星壇午夜香

寄尉遲侍御

一作  
郎

我眠青嶂弄澄潭君戴貂蟬白玉筵應向謝公樓上望  
九華山色在西南

招西洞道者

危峰抹黛夾晴川樹簇紅英草碧煙樵客雲僧兩無事  
此中堪去覓靈仙

句

投文得仕而今少佩印還家古所榮

送周繇之建德

唐詩紀事

御定全唐詩卷六百八十九

欽定四庫全書

御定全唐詩卷六百九十

王駕

王駕字大用河中人大順元年登進士第仕至禮部員外郎自號守素先生集六卷今存詩六首

夏雨

非惟消旱暑且喜救生民  
天地如蒸濕園林却似春  
洗風清枕簟換夜失埃塵  
又作豐年望田夫笑向人

古意

夫戍蕭關妾在吳  
西風吹妾妾憂夫  
一行書信千行淚  
寒到君邊衣到無

社日

一作張演詩

鵝湖山下稻梁肥  
豚柵雞棲一作半一作掩扉  
桑柘影

斜春社散家家  
扶得醉人歸

雨晴

一作晴景

雨前初見花間藥  
雨後兼無葉裏花  
蛺蝶飛來過牆去

却疑春色在鄰家

亂後曲江

一作羊士諤詩

憶昔爭

一作曾

遊曲水濱未春長有探春人遊春人盡空

池在直至春深不似春

過故友居

鄰笛寒吹日落初舊居今已別人居亂來兒姪皆分散  
惆悵僧房認得書

王渙

王渙字羣吉大順二年登第官考功員外郎詩十四首

上裴侍郎

青衿七十榜三年建禮含香次第遷珠彩下連星錯落  
桂花曾對月嬋娟玉經磨琢多成器劍拔沈埋更倚天  
應念銜恩最深者春來為壽拜尊前

悼亡

春來得病夏來加深掩妝窻卧碧紗為怯暗藏秦女扇  
怕驚愁度阿香車腰肢暗想風欺柳粉態難忘露洗花

今日青門葬君處  
亂蟬衰草夕陽斜

惆悵詩十二首

八蠶薄絮鴛鴦綺  
半夜佳期並枕眠  
鐘動紅娘喚歸去  
對人勻淚拾金鈿

李夫人病已經秋  
漢武看來不舉頭  
得所

一作  
修嫖

濃華銷

歇盡楚魂湘血  
一生休

謝家池館花籠月  
蕭寺房廊竹颭風  
夜半酒醒憑檻立  
所思多在別離中

隋師戰艦欲亡陳國破應難保此身訣別徐郎淚如雨  
鏡鸞分後屬何人

七夕瓊筵隨

一作往

事陳蕪花連蒂

一作蕪花連葉

共傷神蜀王

殿裏三更月不見驪山私語人

夜寒春病不勝懷玉瘦花啼萬事乖薄倖檀郎斷芳信  
驚嗟猶夢合歡鞋

嗚咽離聲管吹秋妾身今日為君休齊奴不說平生事  
忍看花枝謝玉樓

青絲一綰墮雲鬢金剪刀鳴不忍看持謝君王寄幽怨  
可能從此住人間

陳宮興廢事難期三閣空餘綠草基狎客淪亡麗華死  
他年江令獨來時

晨肇重來路已迷碧桃花謝武陵溪山目斷無尋處  
流水潺湲日漸西

少卿降北子卿還朔野離觴慘別顏却到茂陵惟一慟  
節毛零落鬢毛斑

夢裏分明入漢宮  
覺來燈背錦屏空  
紫臺月落關山曉  
腸斷君恩信畫工

戴司顏

戴司顏登大順進士第官太常博士詩二首

江上雨

非不欲前去此情非自由  
星辰照何處風雨送涼秋  
寒鎖空江夢聲隨黃葉愁  
蕭蕭猶未已早晚去蘋洲

塞上

空蹟畫蒼茫沙腥古戰場逢春多霰雪生計在牛羊冷  
角吹鄉淚乾榆落夢牀從來山水客誰謂到漁陽

句

遠來朝鳳闕歸去戀元侯

贈僧見  
紀事

吳仁璧

吳仁璧字廷寶吳人

或云闕  
右人

大順二年登進士第錢鏐

據浙累辟不就鏐怒沈之江詩一卷今存十一首

投謝錢武肅

東門上好相知音數盡臺前郭隗金累重雖然容食棋  
力微無計報焚林敝貂不稱芙蓉幕衰朽仍慚玳瑁簪  
十里溪光一山月可堪從此負歸心

客路

人寰急景如波委客路浮雲似蓋輕回首故山天外碧  
十年無計却歸耕

南徐題友人郊居

門前樵徑連江寺岸下漁磯繫海槎待到秋深好時節

與君長醉隱侯家

讀度人經寄鄭仁表

身雖一旦塵中老名擬三清會裏題  
二午九齋餘日在請君相伴醉如泥

秋日聽僧彈琴

金徽玉軫韻泠然言下浮生指下泉  
恰稱秋風西北起一時吹入碧湘煙

賈誼

扶持一疏滿遺編漢陸前頭正少年誰道恃才輕絳灌  
却將惆悵弔湘川

春雪

雪霽凝光入坐寒天明猶自卧素安貂裘穿後鶴氅  
自此風流不足看

衰柳

金風漸利露珠團廣陌長堤黛色殘水殿狂遊隋煬帝  
一千餘里可堪看

鳳仙花

香紅嫩綠正開時  
冷蝶飢蜂兩不知  
此際最宜何處看  
朝陽初上碧梧枝

金錢花

淺絳濃香幾朶勻  
日鎔金鑄萬家新  
堪疑劉寵遺芳在  
不許山陰父老貧

錢塘鶴

人間路靄青天半  
鼇岫雲生碧海涯  
雖把雕籠密扇鑰

可能長在叔倫家

句

為惜苔錢妨換砌因憐山色旋開尊

閒居

高閣煙霞禪

客睡滿城塵土世人忙

遊法華寺

五龍金角向星斗三洞

玉音愁鬼神

贈道士

蒲草薄裁連蒂白  
臘脂濃染半葩

紅

題鶯粟花  
以上並雅言雜載

汪極

汪極字極甫歙人大順三年進士詩一首

奉試麥壟多秀色

南陌生岐穗農家樂事多  
塋畦交茂綠苗實際清和日  
布玲瓏影風翻浩蕩波  
來牟知帝力含哺有衢歌

張曙

張曙吏部侍郎聚之子大順中登第官右補闕詩一首  
下第戲狀元崔昭緯

千里江山陪驥尾五更風水失龍鱗  
昨夜沆花溪上雨  
綠揚芳草為何人

林嵩

林嵩字雄飛大順中登進士第官侍御史詩一卷今存  
一首

贈天台王處士

深隱天台不記秋琴臺長別一何愁茶煙巖外雲初起  
新月潭心釣未收映宇異花叢發好穿松孤鶴一聲幽  
赤城不掩高宗夢寧久懸冠枕瀑流

御定全唐詩卷九十

欽定四庫全書

御定全唐詩卷六百九十一

杜荀鶴

杜荀鶴字彥之池州人有詩名自號九華山人大順二  
年第一人擢第復還舊山宣州田頔遣至汴通好朱全  
忠厚遇之表授翰林學士主客員外郎知制誥恃勢侮  
易縉紳衆怒欲殺之而未及天祐初卒自序其文為唐  
風集十卷今編詩三卷

春宮怨

一作周朴詩

早被嬋娟誤欲妝  
臨鏡慵承思不在  
貌教妾若為容風  
暖鳥聲碎日高花影重  
年年越溪女相憶採芙蓉

訪道者不遇

寂寂白雲門尋真不遇真  
祇應松上鶴便是洞中人  
藥圃花香異沙泉鹿跡新  
題詩留姓字他日此相親

送人遊吳

君到姑蘇見人家  
盡枕河古宮閒地少水港小橋多  
夜

市賣菱藕春船載綺羅遙知未眠月鄉思在漁歌

送陳昉歸麻川

麻川清見底似入武陵溪兩岸山相向三春鳥亂啼酒  
旗和柳動僧屋與雲齊即此吾鄉路懷君夢不

出山

病眼看

一作見

春榜文場公道開  
朋人登第盡白髮出山

來處世曾無過

一作遇

惟天合是媒  
長安不覺遠期遂一

名迴

浙中逢詩友

到處有同人多為賦與文詩中難得友湖畔喜逢君凍  
把一作城根雪風開嶽面雲苦吟吟不足爭忍話離羣

送友遊吳越

去越從吳過吳疆與越連有園多種橘一作無水不生

蓮夜市橋邊火春風寺外船此中偏重客君去必經年

出常山界使回有寄

自小即南北未如今日離封疆初盡處人使卻回時開

口有所忌此心無以為行行復垂淚不稱是男兒

經廢宅

人生當貴盛修德可延之不慮有今日爭教無破時  
蘇斑題字壁花發帶巢枝何況萬原上荒墳與折碑

登天台寺

一到天台寺高低景旋生共僧巖上坐見客海邊行  
野色人耕破山根浪打鳴忙時向閒處不覺有閒情

途中春

馬上覽春色丈夫慚淚垂一生看却老

一作老却

五字未逢

知酒力不能久愁根無可醫明年到今日公道與誰期

入關歷陽道中却寄舍弟

求名日苦辛日望日榮親落葉山中路秋霖馬上人晨  
昏知汝道詩酒衛吾身自笑拋麋鹿長安擬醉春

贈歐陽明府

賢宰宰斯邑政聞閭里間都緣民訟少長覺吏徒閒帆  
落樽前浦鐘鳴枕上山回舟却

一作亦

惆悵數宿釣魚灣

贈臨上人

不計禪兼律終須入悟門  
解空非有自所得是無言眼  
豁浮生夢心澄大道源  
今來習師者多鑠教中猿

題戰島僧居

在江之心

師愛無塵地江心島上居  
接船求化慣登陸赴齋踈  
載土春栽樹一作竹拋生日餒魚  
入雲蕭帝寺畢竟欲何如

別衡州牧

朝別使君門暮投江上村  
從來無舊分臨去望何恩  
行

計自不定此心誰與論秋猿叫寒月祇欲斷人魂

送人遊江南

滿酌勸君酒勸君君莫辭能禁幾度別即到白頭時晚  
岫無雲蔽春帆有燕隨男兒兩行淚不欲等閒垂

遊茅山

步步入山門仙家鳥徑分漁樵不到處麋鹿自成羣石  
面迸出一作流水松頭穿破一作亂雲道人星月下相次禮

茅君

讀友人詩卷

冰齒味瑤軸，祇應神鬼知。  
坐當羣靜後，吟到月沈時。  
雪峽猿聲健，風撻鶴立危。  
篇篇一字字，誰復更言詩。

寄從叔

三族不當路，長年猶布衣。  
苦吟天與性，直道世將非。  
鴈夜愁癡坐，漁鄉老憶歸。  
為儒皆可立，自是拙時機。

寄李溥

如我如君者，不妨身晚成。  
但從時輩笑，自得古人情。  
共

莫更初志俱期立後名男兒且如此何用歎平生

郊居即事投李給事

無祿奉晨昏閒居幾度春江湖苦吟士天地最窮人書  
劍同三友蓬蒿外四鄰相知不相薦何以自謀身

寄詩友

別來春又春相憶喜相親與我為同志如君能幾人何  
時吟得力漸老事闕身惟有前溪水年年濯客塵

題田翁家

一作  
家翁

田翁真快活，婚嫁不離村。  
州縣供輸罷，追隨鼓笛喧。  
盤飧同老少，家計共田園。  
自說身無事，應官有子孫。

長安冬日

近臘饒風雪，閒房凍坐時。  
書生教到此，天意轉難知。  
吟苦猿三叫，形枯柏一枝。  
還應公道在，未忍與山期。

霽後登唐興寺水閣

一雨三秋色，蕭條古寺間。  
無端登水閣，有處似家山。  
白日生新事，何時一作人得暫閒。  
將知老僧意，未必戀松關。

山中寄友人

深山多隙地無力及耕桑不是營生拙都緣覓句忙破

窻風

一作嵐

翳燭穿屋月侵牀吾友應相笑辛勤道未光

自述

四海欲行遍不知終遇誰用心常合道出語或傷時擬

作閒人老慚無

一作為

識者嗤如今已無計祇得苦于詩

題江山寺

江上山頭寺景留吟客船遍遊銷一日重到是何年沙

鳥多翹足巖僧半露肩為詩多語澀喜此得終篇

秋日旅舍卧病呈所知

秋色上庭枝愁懷切向誰青雲無勢日華髮有狂時枕  
上聞風雨江南繫別離如何吟到此此道不聞

一作逢

知

秋宿山館

山館坐待曉夜長吟役神斜風吹敗葉寒燭照愁人蘊  
蓄天然性澆訛世惡真男兒出門志不獨為謀身

贈老僧

衆僧尊夏臘靈嶽遍曾登  
度水手中杖行山溪畔藤  
心空默是印眉白雪為稜  
自得巡方道棲禪老未能

別舍弟

欲住住不得出門天氣秋  
惟知偷拭淚不忍更回頭  
此

日祇

一作惟

愁老況身方遠遊孤寒將  
五字何以動諸侯

雪中別詩友

酒寒無小戶請滿酌

一作酌滿

行杯若待雪消去自然春  
到

來出城人跡少向暮鳥聲  
哀未遇應闕命侯門處處  
開

題嶽麓寺

一簇楚江山江山勝此難  
覓人來畫取到處得吟看  
鶴隱松聲盡魚沈楹影寒  
自知心未了閒話亦多端

懷廬嶽書齋

長憶在廬嶽免低塵土顏  
煮茶窓底水採藥屋頭山  
是境皆遊遍誰人不羨閒  
無何一名繫引出白雲間

題唐興寺小松

雖小天然別難將衆木同  
侵僧半窓月向一作與客滿一作

一襟風枝拂行苔鶴聲分叫砌蟲如今未堪看須是雪  
霜中

與友人話別

客路行多少干

一作于

人無易顏未成終老計難致此身

閒月兔走入海日鳥飛出山流

一作留

年留

一作住

不得半

在別離間

贈廬嶽隱者

自見來如此未嘗離洞門結茅遮雨雪採藥給晨昏古

樹藤纏殺春泉鹿過渾悠悠無一事不似屬乾坤

懷紫閣隱者

紫閣白雲端雲中有地仙未歸蓬島上猶隱國門前  
洞  
口人無跡花陰鹿自眠焚香賦詩罷星月冷遙天

題會上人院

鼓角城中寺師居日得閒必能行大道何用在深山  
破  
衲新添線空門夜不闌心知與眼見終取到無間

送黃補闕南遷

得罪非天意分明謫去身一心貪諫主開口不防人自古有遷客何朝無直臣喧然公論在難滯楚南春

送賓貢登第後歸海東

歸捷中華第一一作地登船鬢未絲直應天上桂別有海東

枝國界波窮處鄉心日出時西風送君去莫慮到家遲

近試投所知

白髮隨梳落吟懷說向誰敢辭成事晚自是出山遲擬

動如浮海凡言似課詩終一作修身事知己此外復何為

送友人牧江州

本國兵戈後難官在此時遠分天子命深要使君知但  
遂生靈願當應雨露隨江山勝他郡閒賦庾樓詩

辭座主侍郎

一飯尚懷感況攀高桂枝此恩無報處故國遠歸時祇  
恐兵戈隔再趨門館遲茅堂拜親後特地淚雙垂

別從叔

立馬不忍上醉醒天氣寒都緣在門易直似別家難世

路既如此客心須自寬江村

一作歸期

亦飢凍

一作鞞東

爭及問

長安

送人南遊

凡遊南國者未有不蹉跎到海路難

一作雖

盡挂帆人更

多潮沙分象跡花洞響蠻歌縱有投文處於君能幾何

經賈島墓

謫宦自麻衣銜冤至死時山根三尺墓人口數聯詩仙

桂終無分皇天似有私暗松風雨夜空使老猿悲

秋夜

一作江

晚泊

一望一蒼然，蕭騷起暮天。  
遠山橫落日，歸鳥度平川。  
家是去秋別，月當今夕圓。  
漁翁似相伴，徹曉葦叢邊。

送舍弟

我愛羈棲慣，客情方細知。  
好看前路事，不比在家時。  
勉汝言須記，聞人善即師。  
旅中無廢業，時作一篇詩。

將歸山逢友人

儒為君子儒，儒道不妨孤。  
白髮多生矣，青山可住乎。  
徉

狂寧是事巧達又非夫祇此平生願他人肯信無

經九華費徵君墓

凡弔先生者多傷荆棘間不知三尺墓高却九華山天地有何外子孫無亦閒當時若徵起未必得身還

溪居叟

溪翁居靜處

一作處靜

溪鳥入門飛早起釣魚去夜深乘月

歸見君無事老覺我有求非不說風霜苦三冬一草衣

與友人對酒吟

憑君滿酌酒聽我醉中吟  
客路如天遠侯門似海深  
新墳侵古道白髮戀黃金  
共有人間事須懷濟物心

送僧

道了亦未了言閒今且閒  
從來無住處此去向何山  
片石樹陰下斜陽潭影間  
請師留偈別恐不到人寰

送九華道士遊茅山

忽起地仙一作他山興飄然出舊山  
於身無切事在世有餘

閒日月浮生外乾坤大醉間  
故園華表上誰得見君還

寄舍弟

世亂信難通鄉心日萬重  
弟兄皆嚮善天地合相容  
大野陰雲重連城殺氣濃  
家山白雲裏卧得最高峰

下第投所知

若以名場內誰無一軸詩  
縱饒生白髮豈敢怨明時  
知己雖然切春官未必私  
寧教讀書眼不有看花期

寄顧雲

省得前年別蘋洲  
旅館中亂離身不定  
彼此信難通侯

國兵雖斂吾鄉業已空秋來憶君夢夜夜逐征鴻

贈宣城麋明府

天下為官者無君一軸詩數聯同我得當代遇誰知年  
齒吟將老生涯說可悲何當拋手板鄰隱過危時

望遠

門前通大道望遠上高臺落日人行盡

一作  
逝

窮邊信不

來還聞戰得勝未見敕召回却入機中坐新愁織不開

冬末投長沙裴侍郎

欲露塵中事其如不易言家山一離別草樹匝春暄吹  
夢風天角啼愁雪嶽猿佇思心覺滿何以遠門軒

贈秋浦金明府長

倚郭難為宰非君即有私惟憑野老口不立政聲碑苦  
甚求名日貧於未選時溪山竟如此利得且吟詩

和高祕書早春對雪登樓見寄之什

天有惜花意恐花開染塵先教微雪下始放滿城春且  
醉登樓客重期出郭人因酬郢中律

一作

霜鬢數莖新

亂後山中作

自從天下亂日晚別庭闈兄弟團團樂羈孤遠近歸文  
章甘世薄耕種喜山一作肥直待中興後方應出隱扉

旅寓書事

日日驚身事悽悽欲斷魂時清不自立髮白傍誰門中  
路殘秋雨空山一夜猿公卿得見面懷抱細難言

舟行晚泊江上寺

久勞風水

一作雨

上禪客喜相依挂衲雖無分修心未覺

非日沈山虎出鐘動寺禽歸月上潮平後談空漸入微  
長林山中聞賊退寄孟明府

一縣今如此殘民數不多也知賢宰切爭奈亂兵何皆  
自干戈達咸思雨露和應憐住山者頭白未登科

泗上客思

痛飲復高歌愁終不奈何家山隨日遠身事逐年多沒  
鴈雲橫楚兼蟬柳夾河此心閒未得到處被詩磨

寄同人

盡與貧為患，惟余即不然。  
四方無靜處，百口度荒年。  
白髮生閒事，新詩出數聯。  
時情竟如此，不免却歸田。

下第出關投鄭拾遺

丹霄桂有枝，未折未為遲。  
況是孤寒士，兼行苦澀詩。  
杏園人醉日，闕路獨歸時。  
更卜深知意，將來擬薦誰。

塞上

草白河水合，蕃戎出掠頻。  
戍樓三號火

一作三急號

探馬一

條塵戰士風，霜老將軍雨。  
露新封侯不由此，何以慰征

人

別敬侍郎

交道有寒暑在人無古今與君中夜話盡我一生心所向未得志豈惟空解吟何當重相見舊隱白雲深

送青陽李明府

善政無慚色吟歸似等閒惟將六幅絹寫得九華山求

理頭空白離京

一作終官

債未還仍聞猿

一作琴

與鶴都在一

船間

將遊湘湖有作

一家相別意不得不潸然  
遠作南方客初登上水船  
嶽鐘思冷夢湘月少殘篇  
便有歸來計風波亦隔年

送姚庭珪

脫衣將換酒對酌話何之  
雨後秋蕭索天涯晚別離  
人生無此恨鬢色不成絲  
未得重相見看君馬上詩

投李大夫

自小僻於詩篇篇恨不奇  
苦吟無暇日華髮有多時  
進

取門難見升沈命未知秋風夜來急還恐到京遲

貽里中同志

鄉里為儒者惟君見我心詩書常共讀雨雪亦相尋貧  
賤志氣在子孫交契深古人猶晚達況未鬢霜侵

江上送韋彘先輩

不易為離抱江天即見鴻暮帆何處落涼月與誰同木  
葉新霜後漁燈夜浪中時難慎行止吾道利于窮

維揚逢詩友張喬

天下方多事逢君得話詩直應吾道在未覺國風衰生  
計吟消日人情醉過時雅篇三百首留作後來師

秋晨有感

木葉落時節旅人初夢驚鐘才枕上盡事已眼前生吟  
髮不長黑世交無久情且將公道約未忍便歸耕

秋日山中寄李處士

吾輩道何窮寒山細雨中兒童書懶讀果栗樹將空言  
論闕時務篇章見國風昇平猶可用應不廢為公

一作翁

晚泊金陵水亭

江亭當廢國秋景倍蕭騷夕照殘荒壘寒潮漲古濠就  
田看鶴劣一作大隔水見僧高無限前朝事醒吟易覺勞

錢塘別羅隱

故國看看遠前程計在誰五更聽角後一葉渡江時吾  
道天寧喪人情日可疑西陵向西望雙淚為君垂

山中貽同志

君貧我亦貧為善喜為鄰到老如今日無心愧古人閑

門非傲世守道是謀身別有同山者其如未可親

秋日懷九華舊居

吾道在五字吾身寧陸沈涼生中夜雨

一作月

病起故山

心燭共寒酸影蛩添苦楚吟何當遂歸去一徑入松林

江岸秋思

驅馬傍江行鄉愁步步生舉鞭揮柳色隨手失蟬聲秋  
稼綠長道寒雲約古城家貧遇豐歲無地可歸耕

哭劉德仁

賈島還如此生前不見春豈能詩苦者便是命羈人家

事因吟失

一作盡

時情礙國親多應銜恨骨千古不為塵

經青山弔李翰林

何為

一作謂

先生死先生道日新青山明月夜千古一詩

人天地空銷骨聲名不傍身誰移耒陽冢來此作吟鄰

下第東歸別友人

不得同君

一作居

住當春別帝鄉年華落第老岐路出關

長芳草緣流水殘花向夕陽懷親暫歸去非是釣滄浪

秋宿詩僧雲英房

一作  
院

因贈

賈島憐無可都緣數句詩君雖是後輩我謂過當時溪  
浪和星動松陰帶鶴移同吟到明坐此道淡誰知

送人宰吳縣

海漲兵荒後為官合動情字人無異術至論不如清草  
履隨船賣綾綬隔水鳴惟持古人意千里贈君行

讀友人詩

君詩通大雅吟覺古風生外却浮華景中含教化

一作  
至教

情名應高日月道可潤公卿莫以孤寒恥孤寒達更榮

登山寺

山半一山寺野人秋日登就中偏愛石獨上最高層有

果猿攀

一作搖

樹無齋鵠看僧儒門自多事來此復何能

辭九江李郎中入闕

帝里無相識何門跡可親願開言重口薦與分深人卷

許新詩出家憐舊業貧今從九江去應免更迷津

江南逢李先輩

李杜復李杜彼時逢此時干戈侵帝里流落向天涯  
歲月消於酒平生斷在詩懷才不得志祇恐滿頭絲

秋日寄吟友

閒坐細思量惟吟不可忘食無三畝地衣絕一株桑  
蟬樹生寒色漁潭落曉光青雲舊知己未許釣滄浪

江上與從弟話別

相逢盡說歸早晚遂歸期流水多通處孤舟少住時  
干人不得已非我欲為之及此終無愧其如道在茲

送友人遊南海

南海南邊路君遊，祇為貧山川多少。  
地郡邑幾何人，花鳥名皆別寒暄。  
氣不均，相期早晚見，莫待瘴侵身。

贈聶尊師

詩道將一作皆仙分求之不可求，非闕從小學應是數生。

修蟾桂雲梯折，黿山鶴駕遊。他年兩成事，堪喜是鄰州。

旅感

白髮根叢出，鑷頻愁不開。自憐空老去，誰信苦吟來。客

路東西閣家山早晚回翻思釣魚處一雨一層苔

寄益陽武灌明府

縣稱詩人理無嫌日寂寥溪山入城郭戶口半漁樵月  
滿彈琴夜花香漉酒朝相思不相見煙水路迢迢

湘中秋日呈所知

四海無寸土一生惟苦吟虛垂異鄉淚不滴別人心雨

一作木色凋湘樹灘聲下塞禽求歸歸未得不是擲光陰

苦吟

世間何事好最好莫過詩一句我自得四方人已知生  
應無輟日死是不吟時始擬歸山去林泉道在茲

閩中別所知

觸目生歸思那堪路七千臘中離此地馬上見明年郡  
邑溪山巧寒暄日月偏自疑雙鬢雪不似到南天

塞上傷戰士

戰士說辛勤書生不忍聞三邊遠天子一命信將軍野  
火燒人骨陰風捲陣雲其如禁城裏何以重要動

春日訪獨孤處士

地僻春來靜深宜長者居好花都待

一作大

晚修竹不妨

疎鴈入湘江食人侵曉色鋤似君無學處頭白道如初

哭友人

病向名場得終為善誤身無兒承後嗣有女托何人葬  
禮難求備交情好者貧惟餘舊文集一覽一沾巾

新栽竹

斲破蒼

一作莓

苔色

一作地

因栽十數莖窻風從此冷詩思

當時清酒入杯中影碁添局上聲不同  
挑與李瀟灑伴書生

送吳蛻下第入蜀

下第言之蜀那愁舉別杯難  
凡方在幕上相復憐才鳥  
徑盤春靄龍湫發夜雷  
臨邛無久戀高桂待君回

亂後歸山

一作山居

亂世歸山谷征聲喜不聞  
詩書猶滿架弟姪未為軍  
山犬眠紅葉樵童唱白雲  
此心非此志終擬致明君

題著禪師

大道本無幻常情自有魔人皆迷著此師獨悟如何為  
岳開窻闊因蟲長草多說空空說得空得到維摩

一本  
作空

麼

春日閒居即事

未得青雲志春同秋日情花開如葉落鶯語似蟬鳴道  
合和貧守詩堪與命爭飢寒是吾事斷定不歸耕

秋宿棲賢寺懷友人

金匱要略卷之三十一  
卷六百九十一  
一宿三秋寺閒忙與曉分細泉山半落孤客夜深聞鶴  
去巢盛月龍潛穴擁雲苦吟方見景多恨不同君

亂後再逢汪處士

如君真道者亂

一作高

世有閒情每別不知處見來長後

生藥非因病服酒不為愁傾笑我於身苦吟髭白數莖

山中喜與故交宿話

遠地能相訪何慚事力微山中深夜坐海內故交稀村  
酒沽來濁溪魚釣得肥貧家只如此未可便言歸

觀碁

對面不相見用心同

一作如

用兵算人常欲殺顧己自貪

生得勢侵吞遠乘危打劫羸有時逢敵手當局到深更

送人宰德清

亂世人多事耕桑或失時不聞寬賦斂因此轉流離天  
意未如是君心無自欺能依四十字可立德清碑

寄甯處士

漳水醉中別今來猶未醒半生因酒廢大國幾時寧海

畔將軍柳天邊處士星遊人不可見春入亂山青

題歷山舜祠

山有廟呼為帝二子  
多變妖異為時所敬

昔舜曾耕地遺風日寂寥世人那肯祭大聖不興妖殿  
宇秋霖壞杉松野火燒時訛競淫祀絲竹醉山魘

贈李蒙叟

在我成何事逢君更勸吟縱饒不得力猶勝別勞心凡  
事有興廢詩名無古今百年能幾日忍不惜光陰

維揚冬末寄幙中二從事

闕第  
三句

聞道長溪尉相留一館閒

尚隔幾重山為

旅春風外懷人夜雨間年來踈覽鏡怕見減朱顏

和吳太守罷郡山村偶題二首

罷郡饒山興村家不惜過官情隨日薄詩思入秋多野  
獸眠低草池禽浴動荷眼前餘政在不似有干戈

快活田翁輩常言化育時縱饒稽歲月猶說向孫兒茅  
屋梁和節茶盤果帶枝相傳終不忘何必立生祠

亂後送友人

一作送  
人遇亂

歸湘中

家枕三湘岸門前即

一作有

釣磯漁竿壯歲別鶴髮亂時

歸岳暖無猿叫江春有燕飛平生書劍在莫便學忘機

送紫陽僧歸廬岳舊寺

紫衣明主贈歸寺感先師受業恩難報開堂影不知松

風歛枕夜山雪下

一作上

樓時此際無人會微吟復斂眉

和劉評事送海禪和歸山

衲

一作內

外元無象言尋那路尋問禪將底說傳印得何

心未了羣山淺難

一作能

休一室深伏魔寧是獸巢頂亦

非禽觀色風驅霧聽聲雪灑林凡歸是歸處不必指高

岑

一作況當幽隱  
處未必有高岑

御溝柳

律到御溝

一作九重

春溝邊柳色新細籠穿禁水輕拂入朝

人日近韶光早天低聖澤勻谷鶯棲未穩宮女畫難真

楚國空搖浪隋堤暗惹塵如何帝城裏先得覆龍津



御定全唐詩卷六百九十一

欽定四庫全書

集部  
御定全唐詩卷六百九十二至  
四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻翥

謄錄監生臣張濤

欽定四庫全書

御定全唐詩卷六百九十二

杜荀鶴

冬末同友人泛瀟湘

殘臘泛舟何處好最多吟興是瀟湘就船買得魚偏美  
踏雪沽來酒倍香猿到夜深啼嶽麓鴈知春近別衡陽  
與君刺採江山景裁取新詩入帝鄉

贈李鐔

鐔自維揚過  
亂東入山中

君行君文天合知見君如

一作于

此我興

一作傷

悲祗殘三

口兵戈後纔到孤村雨雪時著卧衣裳難辦洗旋求糧  
食莫供炊地鑪不暖柴枝濕猶把蒙求授小兒

旅中卧病

秋來誰料病相縈枕上心猶算去程風射破窓燈易滅  
月穿疎屋夢難成故園何啻三千里新鴈纔聞一兩聲  
我自與人無舊分非干人與我無情

旅泊遇郡中叛亂示同志

握手相看

一作悲

誰敢言軍家刀劍在腰邊  
遍搜寶貨無

藏處亂殺平人不怕天  
古寺拆為修寨木荒墳開作甃  
城埭郡侯逐出渾閒事  
正是鑿輿幸蜀年

贈秋浦張明府

君為秋浦三年宰  
萬慮關心兩鬢知  
人事旋生當路縣  
吏才難展用兵時  
農夫背上題軍號  
賈客船頭插戰旗  
他日親知問官況  
但教吟取杜家詩

雪

風攪長空寒骨生光

一作先

於曉色報窻明江湖不見飛

禽影巖谷時聞折竹聲巢穴幾多相似處

一作溝壑本深無復滿

路歧兼得一般平擁袍公子休

一作莫

言冷中有樵夫跣

足行

題廬嶽劉處士草堂

仙境閒尋採藥翁草堂留話一宵同若看山下雲深處  
直是人間路不通泉領藕花來洞口月將松影過溪東  
求名心在閒難遂明日馬蹄塵土中

山中寄詩友

山深長恨少同人，覽景無時不憶君。  
庭果自從霜熟後，野猿頻向屋邊聞。  
琴臨秋水彈明月，酒就東山酌

一作寒

山酌

白雲仙桂算攀攀，合得平生心力盡於文。

秋宿臨江驛

南來北去二三年，年年去年來兩鬢。  
班舉世盡從愁裏老，誰人肯向死前閒。  
漁舟火影影寒歸浦驛，路鈴聲夜過山。  
身事未成歸未得，聽猿鞭馬入長關。

一作安

題瓦棺寺真上人院矮檜

天生仙檜是長材，栽檜希逢此最低。  
一自舊山來砌畔，幾番凡木與雲齊。  
迴無斜影教僧踏，免有閒枝引鶴棲。  
今日偶題題似着，不知題後更誰題。

江下

一作初秋寓

濛濛煙雨蔽江村，江館愁人好斷魂。  
自別家來生白髮，為侵星起謁朱門。  
也知柳欲開春眼，爭奈萍無入土根。  
兄弟無書鴈歸北，一聲聲覺苦於猿。

投從叔補闕

吾宗不謁謁詩宗常仰門風繼國風空有篇章傳海內  
更無親族在朝中其來雖愧源流淺所得須憐雅頌同  
三十年吟到今日不妨私薦亦成公

贈張員外兒

張公一子才三歲聞客吟聲便出來喚物舌頭猶未穩  
誦詩心孔迴然開天生便是成家慶年長終為間世才

月裏桂枝知

一作如

有分不勞諸文作梯媒

重陽日有作

一為重陽上古臺亂時誰見菊花開偷攀

一作搦

白髮真

堪笑牢鑱黃金實

一作更

可哀是箇少年皆老去爭知荒

塚不榮來大家拍手高聲唱日未沈山且莫迴

入關寄九華友人

坐牀難穩露蟬新便作東西馬上身釀酒却輸耽睡客  
好山翻對不吟人無多志氣禁難別強半年光屬苦辛  
篋裏篇章頭上雪未知誰戀杏園春

送李鐔遊新安

邯鄲李鐔才崢嶸酒狂詩逸難干名氣直不與兒

一作時

輩洽醉來擬共天公爭孤店夜燒枯葉坐亂時秋踏早  
霜行一間茅屋住不穩剛出為人平不平

冬末自長沙遊桂嶺留獻所知

家隔重湖歸末期更堪南去別深知前程笑到山多處  
上馬愁逢歲盡時四海內無容足地一生中有苦心詩  
朱門祇見朱門事獨把孤寒問阿誰

送福昌周繇少府歸寧兼謀隱

少見古人無遠慮如君真得古人情  
登科作尉官雖小避世安親祿已榮  
一路水雲生隱思幾山猿鳥認吟聲  
知君未作終焉計要著文章待太平

賀顧雲侍御府主與子弟奏官

敕下時  
年七歲

青桂朱袍不賀凡賀兄榮是見兒榮孝  
經始向堂前徹官誥當從幕下迎戲把  
藍袍包果子嬌將竹笏惱先生  
自慚亂世無知己弟姪鞭牛傍隴耕

舟行即事

年少鬚鬚雪欲侵別家三日幾般心朝從賈客憂風色  
夜逐漁翁宿葦林秋水鷺飛紅蓼晚暮山猿叫白雲深  
重陽酒熟茱萸紫却向江頭倚棹吟

亂後山居

從亂

一作  
亂後

移家擬傍山今來方辦買山錢九州有路休

為客百歲無愁即是仙野叟並田鋤暮雨溪禽同石立  
寒煙他人似我還應少如此安貧亦荷天

山居寄同志

茅齋深僻絕輪蹄  
門徑緣莎細接溪  
垂釣石臺依竹壘  
待賓茶竈就巖泥  
風生谷口猿相叫  
月照松頭鶴並棲  
不是無端過時日  
擬從窓下躡雲梯

將入闕安陸遇兵寇

家貧無計早離家  
離得家來蹇滯多  
已是數程行雨雪  
更堪中路阻兵戈  
幾州戶口看成血  
一旦天心却許和  
四面煙塵少無處  
不知吾土自如何

夏日登友人書齋林亭

暑天長似秋天冷帶郭林亭畫不如蟬噪檻前遮日竹  
鷺窺池面弄萍魚拋山野客橫琴醉種藥家僮踏雪鋤  
衆惜君才堪上第莫因居此與名疎

寄臨海姚中丞

夏辭旌旆已秋深永夕思量淚滿襟風月易斑搜句鬢  
星霜難改感恩心尋花洞裏連春醉望海樓中徹曉吟  
雖有夢魂知處所去來多被角聲侵

秋日閒居寄先達

到頭身事欲何為  
窻下工夫鬢上知  
乍可百年無稱意  
難教一日不吟詩  
風驅早鴈衝湖色  
雨挫殘蟬點柳枝  
自古書生也如此  
獨堪惆悵是明時

題覺禪和

少見修行得似師  
茅堂佛像亦隨時  
禪衣衲後雲藏線  
夏臘高來雪印眉  
耕地誠侵連塚土  
伐薪教護帶巢枝  
有時問着經中事  
却道山僧總不知

感秋

一作秋感

年年名路謾辛勤襟袖空多馬上塵  
畫戟門前難作客  
釣魚船上易安身  
冷煙粘柳蟬聲老  
寒渚澄星雁叫新  
自是儂家無住處  
不闕天地窄於人

題德玄上人院

剗得心來忙處閒  
閒中方寸濶於天  
浮生自是無空性  
長壽何曾有百年  
罷定磬敲松罅月  
解眠茶煮石根泉  
我雖未似師披衲  
此理同師悟了然

春日山居寄友人

野吟何處最相宜  
春景暄和好入詩  
高下麥苗新雨後  
淺深山色晚晴時  
半巖雲脚風牽斷  
平野花枝鳥踏垂  
倒載干戈是何日  
近來麋鹿欲相隨

懷廬嶽舊隱

一別三年長在夢  
夢中時躡石稜層  
泉聲入夜方堪聽  
山色逢秋始好登  
巖鹿慣隨鋤藥叟  
溪鷗不怕洗苔僧  
人間有許多般事  
求要身閒直未能

投長沙裴侍郎

此身雖賤道長存非謁朱門謁孔門  
祇望至公將卷讀不求朝士致書論  
垂綸雨結漁鄉思吹木風傳鴈夜魂  
男子受恩須有地平生不受等閒恩

和友人見題山居

避時多喜葺居成七字君題萬象清  
開戶曉雲連地白訪人秋月滿山明  
庭前樹瘦霜來影洞口泉噴雨後聲  
有景供吟且如此算來何必躁於名

獻長沙王侍郎

文星漸見射台星，皆仰為霖沃衆情。  
天澤逼來逢聖主，辭林盛去得書生。  
雲妝嶽色供吟景，月浩湘流遞政聲。  
美化事多難諷誦，未如耕釣口分明。

春日登樓遇雨

忽地晴天作雨天，全無暑氣似秋間。  
看看水沒來時路，漸漸雲藏望處山。  
風趁鷺鷥雙出葦，浪催漁父盡歸灣。  
一心準擬閒登眺，却被詩情使不閒。

春日行次錢塘却寄台州姚中丞

豈為無心求上第，難安帝里為家貧。  
江南江北間為客，潮去潮來老却人。  
兩岸雨收鶯語柳，一樓風滿角吹春。  
花前不獨垂鄉淚，曾是一作朱門寄食身。

投江上崔尚書

此生何路出塵埃，猶把中才謁上才。  
閉戶十年專筆硯，仰天無處認梯媒。  
馬前霜葉催歸去，枕上邊鴻喚覺來。  
若許登門換鬢鬣，必應辛苦事風雷。

書事投所知

古陌寒風來去吹馬蹄塵旋上麻衣雖然干祿無休意  
爭奈趨時不見機詩思趁雲從嶽涌鄉心隨鴈遶湖飛  
肯將骨肉輕離別未遇人知未得歸

秋日湖外書事

十五年來筆硯功祇今猶在苦貧中三秋客路湖光外  
萬里鄉關楚邑一作色東鳥遯杖藜山翳雨猿林歌枕樹  
搖風朱門處處若相似此命到頭通不通

題宗上人舊院

此院重來事事乖，半欹茅屋草侵階。  
啄生鴉憶啼松枿，接果猿思嘯石崖。  
壁上塵粘蒲葉扇，牀前苔爛筍皮鞋。  
分明記得談空日，不向秋風更愴懷。

亂後出山逢高員外

自從亂後別京闕，一入煙蘿十五年。  
重出故山生白髮，却裝新卷謁清賢。  
宦迴旅夢城頭角，柳結鄉愁雨後蟬。  
名姓暗投心暗祝，永期收拾向門前。

贈友人罷舉赴交趾辟命

罷却名場擬入秦南行無罪似流人縱經商嶺非馳驛

須過長沙弔逐臣舶載海奴鐐碓

一作錘

耳象馳蠻女綵

纏身如何待取丹霄挂別赴嘉招作上賓

山中寡婦

一作時世行

夫因兵死守蓬茅麻苧衣衫鬢髮焦桑柘廢來猶納稅

田園荒後

一作盡

尚徵苗時挑野菜和根煮斫生柴帶

葉燒任是深山更深處也應無計避征徭

訪蔡融因題

杖藜時復過荒郊來到君家不忍拋  
每見苦心修好事未嘗開口怨平交  
一溪寒色漁收網半樹斜陽鳥傍巢  
必若天工主人事肯交吾子委衡茅

閒居即事

竹門茅屋帶村居數畝生涯自有餘  
鬢白祇應秋鍊句眼昏多為夜抄書  
鴈驚風浦漁燈動猿叫霜林橡實疎  
待得功成即西去時清不問命何如

友人贈舍弟依韻戲和

吾家此弟有何知多愧君開道業基不覺裹頭成大漢  
昨來竹馬作童兒還緣世過兵戈鬧祇恐身修禮樂遲  
及見和詩詩自好碣徒和切碾輪石也公一作門不到一作倒更向  
時

亂後逢村叟

一作時世行

經亂衰翁居破村村中何事不傷魂

一作八十老翁住破村村中牢落不

堪論因供寨木無桑柘為著

一作點

鄉兵絕子孫還似平寧

徵賦稅未嘗州縣畧安存至於

一作今

雞犬皆星散日落

前山獨

一作哭

倚門

贈元上人

多少僧中僧行高偈成流落遍僧抄經窓月靜灘聲到  
石逕人稀蘚色交垂露竹粘蟬落殼窅雲松載鶴棲巢  
煮茶童子閒勝我猶得依時把磬敲

下第東歸道中作

一迴落第一寧親多是途中過却春心火不銷雙鬢雪

眼泉難濯滿衣塵苦吟風月惟添病遍識公卿未免貧  
馬壯金多有官者榮歸却笑讀書人

夏日留題張山人林亭

此中偏稱夏中遊時有風來暑氣收澗底松搖千尺雨  
庭中竹撼一窻秋求猿句寄山深寺乞鶴書傳海畔洲  
閒與先生話身事浮名薄宦總悠悠

傷病馬

此馬堪憐力壯時細勻行步恐塵知騎來未省將鞭觸

病後長教覓藥醫，  
顧主強擡和淚眼。  
就人輕刷帶瘡皮，  
祇今筋骨渾全在。  
春暖莎青放未遲。

館舍秋夕

寒雨蕭蕭燈焰青，  
燈前孤客難為情。  
兵戈鬧日別鄉國，  
鴻鴈過時思弟兄。  
冷極睡無離枕夢，  
苦多吟有徹雲聲。  
出門便作還家計，  
直至如今計未成。

送僧赴黃山沐湯泉兼參禪宗長老

聞有湯泉獨去尋，  
一餅一鉢一無金。  
不愁亂世兵相害

金史口月令言  
卷六百九十二  
却喜寒山路入深野老禱神鴟噪廟獵人衝雪鹿驚林  
患身是幻逢禪主水洗皮膚語洗心

哭山友

十載同棲廬嶽雲寒燒枯葉夜論文在生未識公卿面  
至死不離麋鹿羣從見蓬蒿叢壞屋長憂雨雪透荒墳  
把君詩句高聲讀想得天高也合聞

獻池州牧

池陽今日似漁陽大變凶年作小康江路靜來通客貨

郡城安後絕戎裝，分開野色收新麥。  
驚斷鶯聲摘嫩桑，縱有逋民歸未得。  
遠聞仁政旋還鄉。

送韋書記歸京

座主侍郎同舉

韋杜相逢眼自明，事連恩地倍牽情。  
聞歸帝里愁攀送，知到師門話姓名。  
朝客半修前輩禮，古人多重晚年榮。  
從來有淚非無淚，未似今朝淚滿襟。

獻鄭給事

化行邦域二年春，樵唱漁歌日日新。  
未降詔書酬善政。

不知天澤荅何人秋登嶽寺雲隨步夜宴江樓月滿身  
他日朱門恐難掃沙堤新築必無塵

贈休禪和

為僧難得不為僧僧戒僧儀未是能弟子自知心了  
吾師應為醉騰騰多生覺悟非闕衲一點分明不在燈  
祇道詩人無佛性長將二雅入三乘

送李先輩從知一作軍塞上

去草軍書出帝鄉便從城外學戎裝好隨漢將收胡土

莫遣胡兵近漢疆  
灑磧雪粘旗力重  
凍河風揭角聲長  
此行也是男兒事  
莫向征人恃桂香

和友人送弟

君說無家祇弟兄  
此中言別若為情  
干戈鬧日分頭去  
山水寒時信路行  
月下斷猿空有影  
雪中孤鴈却無聲  
我今骨肉雖飢凍  
幸喜團圓過亂兵

酬張員外見寄

分應天與吟詩老  
如此兵干不廢詩  
生在世間人不識

死於泉下鬼應知啼花蜀鳥春同苦叫雪巴猿書共飢  
今日逢君惜分手一枝何校一年遲

獻新安于尚書

九土雄師竟若何未如良牧與天和月留清俸資家少  
歲計陰功及物多四野綠雲籠稼穡千山明月靜干戈  
行人耳滿新安事盡是無愁父老歌

亂後書事寄

一作呈

同志

九土如今盡用兵短戈長戟困書生思量在世頭堪白

畫度歸山計未成，皇澤正霑新將士。侯門不是舊公卿，  
到頭詩卷須藏却。各向漁樵混姓名。

中山臨上人院觀牡丹寄諸從事

一作弟

閒來吟遶牡丹叢，花豔人生事畧同。半雨半風三月內，  
多愁多病百年中。開當韶景何妨

一作多

好落向僧家即

是空一境別

一作別境

無惟此有忍教醒坐對支公

投宣諭張侍郎亂後遇毘陵

此生今日似前生，重著麻衣特地行。經亂後囊新卷軸

出山來見舊公卿  
雨籠葦壁吟燈影  
風觸蟬枝噪浪聲  
聞道中興重人

一作文

物不妨西去馬蹄輕

下第投所知

落地愁生曉鼓初  
地寒才薄欲何如  
不辭更寫公卿卷  
却是難修骨肉書  
御苑早鶯啼暖樹  
釣鄉春水浸貧居  
擬離門館東歸去  
又恐重來事轉踈

哭方干

何言寸祿不沾身  
身沒詩名萬古存  
況有數篇闕教化

得無餘慶及兒孫  
漁樵共壘墳三尺  
猿鶴同棲月一村  
天下未寧吾道喪  
更誰將酒酌吟魂

秋日泊浦江

一帆程歇九秋時  
漠漠蘆花拂浪飛  
寒浦更無船並宿  
暮山時見鳥雙歸  
照雲烽火驚離抱  
翦葉風霜逼暑衣  
江月漸明汀露濕  
靜驅吟魄入玄微

白髮吟

一莖兩莖初似絲  
不妨驚度少年時  
幾人亂世得及此

今我滿頭何足悲九轉靈丹那勝酒五音清樂未如詩  
家山蒼翠萬餘尺藜杖楮冠輸老兒

下第寄池州鄭員外

省出一作得蓬蒿修謁初蒙知曾不見生疎侯門數處將

書薦帝里經年借宅居未必有詩堪諷誦祇憐無援過  
吹噓如一作而今足得成持取一作處莫使江湖却釣魚

塞上

旌旗鬣鬣

一作獵獵

漢將軍閒出巡邊

一作遊

帝命新沙塞旋

收饒帳幙犬戎時殺少煙塵  
冰河夜渡偷來馬雪嶺朝  
飛獵去人獨作書生疑不穩  
軟弓輕劍也隨身

贈題兜率寺聞上人院

人間寺應諸天號真行僧禪  
此寺中百歲有涯頭上雪  
萬般無染耳邊風挂帆波浪  
驚心白上馬塵埃翳眼紅

畢竟浮生謾勞役算來何事不成

一作歸空

別四明鍾尚書

九華天際碧嵯峩無奈春來入夢何  
難與英雄論教化

却思猿鳥共煙蘿  
風前柳態閒時少  
雨後花容淡處多  
都大人生有離別  
且將詩句代離歌

題護國大師塔

莫認雙林是佛林  
禪棲無地亦無金  
塔前盡禮灰來相  
袖下誰宗印了心  
笠象肩一作微明雙不見線  
源分派本難尋  
吾師覺路余知處  
太藏經門一夜吟

春日山中對雪有作

竹樹無聲或有聲  
霏霏漠漠散還凝  
嶺梅謝後重妝藥

巖水鋪來却結冰，  
牢繫鹿兒防獵客。  
滿漆茶鼎候吟僧。  
好將膏雨同功力，  
松徑莓苔又一層。

山中對雪有作

一渾乾坤萬象收，  
惟應不壅大江流。  
虎狼遇獵難藏跡，  
松柏因風易擧頭。  
玉帳英雄攜妓賞，  
山村烏雀共民愁。  
豈堪久蔽蒼蒼色，  
須放三光照九州。

戲題王處士書齋

先生高興似樵漁，  
水鳥山猿一處居。  
石徑可行苔色厚，

釣竿時斫竹叢

一作林

踈欺春祗愛和醅酒諱老猶看夾

注書莫道無金空有壽有金無壽欲何如

早發

東窓未明塵夢蘇呼童結束登征途落葉鋪霜馬蹄滑

寒猿嘯

一作哭

月人心孤時逆

一作送

帽簷風刮頂旋呵鞭

手凍粘鬚青雲快活一未見爭得安閒釣五湖

題仇處士郊居

處士棄官卜居

江南景族此

一作好

林亭手板藍裾自可輕洞裏客來無

俗話郭中人到有公

一作山

情閒敲

一作挑

巖果呼猿接時

釣溪魚引鶴爭笑我有詩三百首馬蹄紅

一作終

日急於

名

依韻次

一作酬

同年張曙先輩見寄之什

天上詩名天下傳引來齊列

一作到

玉皇前大仙錄後頭

無雪至藥成來竈絕烟笑躡紫雲金作闌夢拋塵世鐵

為船九華山叟驚凡骨同到蓬萊豈偶然

亂後逢李昭象叙別

李生李生何所之家山宰雲胡不歸兵戈到處弄性命  
禮樂向人生是非却與野猿同椽塢還將溪鳥共漁磯  
也知不是男兒事爭奈時情賤布衣

晚春寄同年張曙先輩

莫將時態破天真祇合高歌醉過春易落好花三箇月  
難留浮世百年身無金潤屋渾閒事有酒扶頭是了人  
恩地未酬閒未得一迴醒話一沾巾

長安春感

出京無計住京難，深入東風

一作門

轉索然，滿眼有花寒。

食下一家無信楚江邊，此時晴景愁於雨，是處鶯聲苦。

却

一作極  
一作似

蟬公道算來終達去

一作了

更從今日望明

一作

來年

### 登靈山水閣貽釣者

江上見僧誰是了，修齋補衲日勞身。未勝漁父閒垂釣，獨背斜陽不采人。縱有風波猶得睡，總無蓑笠始為貧。瓦瓶盛酒瓷甌酌，荻浦蘆灣是要津。

贈溧水

一作溧水

崔少府

庭戶蕭條燕雀喧日高窓下枕書眠  
祇聞留客教沽酒未省逢人說料錢  
洞口禮星披鶴氅溪頭吟月上漁船

九華山叟心相許不計官卑

一作資

贈一篇

讀張僕射詩

曾應舉不及第投筆領郡

秋吟一軸見心曾萬象搜羅詠欲空  
才大却嫌天上桂世危翻立陣前功  
廉頗解武文無說謝眺能文武不通  
雙美總輸張太守二南章句六鈞弓

題所居村舍

家隨兵盡屋空存，稅額寧容減一分。  
衣食旋營猶可過，賦輸長急不堪聞。  
蠶無夏織桑充寨，田廢春耕犢勞軍。  
如此數州誰會得，殺民將盡更邀勳。

獻錢塘縣羅著作判官

還鄉夫子遇賢侯，撫字情知不自由。  
莫把一名專懊惱，放教雙眼絕冤讐。  
程袍懶著辭公宴，鶴氅閒披訪道流。  
猶有九華知己在，羨君高卧早回頭。

遣懷

驅馳岐路共營營  
祇為人間利與名  
紅杏園中終擬醉  
白雲山下懶歸耕  
題橋每念相如志  
佩印當期季子榮  
謾道疆親堪倚賴  
到頭須是有前程

長安道中有作

回頭不忍看羸僮  
一路行人我最窮  
馬跡蹇於槐影裏  
釣船拋在月明中  
帽簷曉滴林蟬露  
衫袖時飄卷鴈風  
子細尋思底模樣  
騰騰又過玉關東

題開元寺門閣

一登高閣眺清秋  
滿目風光盡勝遊  
何處畫桡尋綠水  
幾家鳴笛咽紅樓  
雲山已老應長在  
歲月如波祇暗流  
惟有禪居離塵俗  
了無榮辱挂心頭

出關投孫侍御

東歸還著舊麻衣  
爭免花前有淚垂  
每歲春光九十日  
一生年少幾多時  
青雲寸祿心耕早  
明月仙枝分種遲  
不為感恩酬未得  
五湖閒作釣魚師

送項山人歸天台

因話天台歸思生，布囊藤杖笑離城。  
不教日月拘身事，自與煙蘿結野情。  
龍鎮古潭雲色黑，露淋秋檜鶴聲清。  
此中是處堪終隱，何要世人知姓名。

題衡陽隱士山居

閒居不問世如何，雲起山門日已斜。  
放鶴去尋三島客，任人來看四時花。  
松醪臘醞安神酒，水宵煎寬句茶。  
畢竟金多也，頭白算來爭得似君家。

題江寺禪和

江寺禪僧似悟禪  
壞衣芒履住茅軒  
懶求施主修真像  
翻說經文是妄言  
出浦釣船驚宿鴈  
伐巖樵斧迸寒猿  
行人莫問師宗旨  
眼不浮華耳不喧

題弟姪書堂

何事居窮道不窮  
亂時還與靜時同  
家山雖在干戈地  
弟姪常修禮樂風  
窻竹影搖書案上  
野泉聲入硯池中  
少年辛苦終身事  
莫向光陰惰寸功

和友人寄長林孟明府

為政為人漸見心長才聊屈宰長林莫嫌月入無多俸  
須喜秋來不廢吟寒雨旋疎叢菊豔晚風時動小松陰  
訟庭閒寂公書少留客看山索酒斟

戲贈漁家

見君生計羨君閒求食求衣有底難養一箔蠶供釣線  
種千莖竹作漁竿葫蘆杓酌春濃酒舴艋舟流夜漲灘  
却笑儂家最辛苦聽蟬鞭馬入長安

登城有作

上得孤城向晚春，眼前何事不傷神。  
遍看原上累累塚，曾是城中汲汲人。  
盡謂黃金堪潤屋，誰思荒骨旋成塵。  
一名一宦平生事，不放愁侵易過身。

秋日山中寄池州李常侍

近來叅謁陡生疎，因向雲山僻處居。  
出為羈孤管糲食，歸同弟姪讀生書。  
風凋古木秋陰薄，月滿寒山夜景虛。  
但得中興知己在，算應身未老樵漁。

辭揚侍郎

春在門闌秋未離  
不因人薦只因詩  
半年賓館成前事  
一日侯門失舊知  
霜鳥樹凋猿叫夜  
湖田穀一作稻熟鴈  
來時西風萬里東  
歸去更把愁心說向誰

題汪氏茅亭

茅亭客到多稱竒  
茅亭之上難題詩  
出塵景物不可狀  
小手篇章徒爾為  
牛畔稻苗新雨後  
鶴邊松韻晚風時  
君今酷愛人間事  
爭得安閒老在茲

喜從弟雪中遠至有作

深山大雪懶開門，門逕行蹤自爾新。  
無酒禦寒雖寡況，有書供讀且資身。  
便均情愛同諸弟，莫更生疎似外人。  
晝短夜長須強學，學成貧亦勝他貧。

送僧歸國清寺

吟送越僧歸海涯，僧行渾不覺程賒。  
賒路沿山脚，潮痕出睡倚松根。  
日色斜撼錫，度岡猿抱樹，挈瓶盛浪鷺，翹沙到叅禪。  
後知無事看，引秋泉灌藕花。

題汪明府山居

不似當官祇似閒野情終日不離山方知薄宦難拘束  
多與高人作往還牛笛漫吹烟雨裏稻苗平入水雲間  
羨君公退就欹枕免向他門厚客顏

下第東歸將及故園有作

平生操立有天知何事謀身與志違上國獻詩還不遇  
故園經亂又空歸山城欲暮人烟斂江月初寒釣艇歸  
一作  
稀且把風寒作閒事懶能和淚拜庭闈

宿東林寺題願公院

古寺沈沈僧未眠，  
搯頤將客說閒緣。  
一溪月色非塵世，  
滿洞松聲似雨天。  
簷底水涵抄律燭，  
窓間風引煮茶烟。  
無由住得吟相伴，  
心繫青雲十五年。

山居自遣

茅屋周回松竹陰，  
山翁時挈酒相尋。  
無人開口不言利，  
只一作獨我白頭空愛吟。  
月在釣潭秋睡重，  
雲橫樵逕野情深。  
此中一日過一日，  
有底閒愁得到心。

贈友人罷舉赴辟命

連天一水浸吳東，十幅帆飛二月風。  
好景採拋詩句裏，別愁驅入酒杯中。  
漁依岸柳眠圓影，鳥傍堦花戲暖紅。  
不是桂枝終不得，自緣年少好從戎。

亂後旅中遇友人

念子為儒道未亨，依依心向十年兄。  
莫依亂世輕依託，須學前賢隱姓名。  
大國未知何日靜，舊山猶可入雲耕。  
不如自此同歸去，帆挂秋風一信程。

贈休糧僧

自言因病學休糧本意非求不死方徒有至人傳道術  
更無齋客到禪房雨中林鳥歸巢晚霜後品猿拾橡忙  
爭似吾師無一事穩披雲衲坐藤牀

維陽春日再遇孫侍御

本一作不為榮家不為身讀書誰料轉家貧三年行却千

山路兩地思歸一主人絡岸柳絲懸細雨繡田花朵弄

殘春多情御史應嗟見未上

一作到

青雲白髮新

亂後宿南陵廢寺寄沈明府

祇共寒燈坐到明，塞鴻衝雪一聲聲。  
亂時為客無人識，廢寺吟詩有鬼驚。  
且把酒杯添志氣，已將身一作心事託公卿。  
男兒仗劍酬恩在，未肯徒然過一生。

投鄭先輩

匣中長劍未酬恩，不遇男兒不合論。  
悶向酒杯吞日月，閒將詩句問乾坤。  
寧辭馬足勞關路，肯為漁竿憶水村。  
兩鬢欲斑三百首，更教裝寫傍誰門。

途中有作

無論南北與西東  
名利牽人處處同  
枕上事仍多馬上  
山中心更甚關中  
川原晚結陰沈氣  
草樹秋生索漠風  
百歲此身如且

一作此

健大家間作卧雲翁

和舍弟題書堂

兄弟將知大自強  
亂時同葺讀書堂  
品泉遇雨多還鬧  
溪竹惟風少即涼  
藉草醉吟花片落  
傍山閒步藥苗香  
團圓便是家肥事  
何必盈倉與滿箱

送蜀客遊維揚

見說西川景物繁，維揚景物勝西川。  
青春花柳樹臨水，白日綺羅人上船。  
夾岸畫樓難惜醉，數橋明月不教眠。  
送君懶問君回日，才子風流正少年。

旅寓

暗算鄉程隔數州，欲歸無計淚空流。  
已違骨肉來時約，更束琴書何處遊。  
畫角引風吹斷夢，垂楊和雨結成愁。  
去年今日還如此，似與青春有舊讐。

途中春

年光身事旋成空，畢竟何門遇至公。  
人世鶴歸雙鬢上，客程蛇遶亂山中。  
牧童向日眠春草，漁父隈巖避晚風。  
一醉未醒花又落，故鄉回首楚關東。

維揚冬末寄幕中二從事

江上數株桑棗樹，自從離亂更荒涼。  
那堪旅館經殘臘，祇把空書寄故鄉。  
典盡客衣三尺雪，鍊精詩句一頭霜。  
故人多在芙蓉幕，應笑孜孜道未光。

辭鄭員外入關

男兒三十尚蹉跎未遂青雲一桂科  
在客易為銷歲月到家難住似經過  
帆飛楚國風濤濶馬度藍關雨雪多  
長把行藏信天道不知天道竟如何

書齋即事

時清抵合力為儒不可家貧與善踈  
賣却屋邊三畝地添成窓下一牀書  
沿溪摘果霜晴後出竹吟詩月上初  
鄉里老農多見笑不知稽古勝耕鋤

雋陽道中

客路客路何悠悠  
蟬聲向背槐花愁  
爭知百歲不百歲  
未合白頭今白頭  
四五朶山妝雨色  
兩三行鴈貼雲秋  
輸他江上垂綸者  
祇在船中老便休

入關因別舍弟

吾今別汝汝聽言  
去住人情足可安  
百口度荒均食易  
數年經亂保家難  
莫愁寒族無人薦  
但願春官把卷看  
天道不欺心意是  
一作足 帝鄉吾土一般般

贈彭蠡釣者

偏坐漁舟出葦林  
葦花零落向秋深  
祇將波上鷗為侶  
不把人間事繫心  
傍岸歌來風欲起  
卷絲眠去月初沈  
若教我似君閒放  
贏得湖山到老吟

送友人入關

此去青雲莫更疑  
出人才行足人知  
況當朝野搜賢日  
正是孤寒取士時  
仙島烟霞通鶴信  
早春雷雨與龍期  
我今不得同君去  
兩鬢霜欺桂一枝

送友人宰潯陽

高興那言去路長，非君不解愛潯陽。  
有時猿鳥來公署，到處烟霞是道鄉。  
釣艇滿江魚賤菜，紙窗連嶽楮多桑。  
陶潛舊隱依稀在，好繼高蹤結草堂。

秋日卧病

一作秋  
日旅中

浮世一作  
宜浮名能幾何，致身流落向天涯。  
少年心壯輕

為客，一日病來思在家。  
山頂老猿啼古木，渡頭新鴈下

平沙，不堪吟罷西風起。  
黃葉滿庭寒日斜。

後四句一作  
經雨凍蟬隨

葉墮過湖秋鴈起風斜前程雖  
有投人處爭奈鄉關日漸賒

叙吟

多慚到處有詩名轉覺吟詩僻性成渡水却嫌船著岸  
過山翻恨馬貪程如讐雪月年年景似夢笙歌處處聲  
未合白頭今已白自知非為別愁生

行次滎陽却寄諸弟

難把歸書說遠情奉親多闕拙為兄早知寸祿榮家晚  
悔不深山共汝耕枕上算程關月落帽前搜景嶽雲生

如今已作長安計，祇得辛勤取一名。

登石壁禪師水閣有作

石壁早聞僧說好，今來偏與我相宜。  
有山有水堪吟處，無雨無風見景時。  
漁父晚船分浦釣，牧童寒笛倚牛吹。  
畫人畫得從他畫，六幅應輸八句詩。

贈袒肩和尚

山衣草屐染莓苔，  
雙眼猶慵向俗開。  
若比吾師居世上，  
何如野客卧嵒隈。  
才聞錫杖離三楚，  
又說隨緣向五臺。

乘醉吟詩問禪理為誰須去為誰來

閒居即事

形覺清羸道覺肥竹門莎徑靜相宜一壺村酒無求處  
數朵庭花見落時章句偶為前輩許話言多被俗人疑  
一枝仙桂如攀得祇此山前是老期

自叙

酒甕琴書伴病身熟諳時事樂於貧寧為宇宙閒吟客  
怕作乾坤竊祿人詩旨未能忘救物世情奈值不容真

平生肺腑無言處白髮吾唐一逸人

空閒二公遞以禪律相鄙因而解之

一教誰云闕二途律禪禪律智歸愚念珠在手墮禪衲  
禪衲披肩壞念珠象外空分空外象無中有作有中無  
有無無有師窮取山到平來海亦枯

寄温州朱尚書并呈軍倅崔太博

朱名  
褒

永嘉名郡昔推名連屬荀家弟與兄教化靜師龔渤海  
篇章高體謝宣城山從海岸妝吟景水自城根演政聲

今日老輸崔博士不妨踈逸伴雙旌

思門致書遠及山居因獻之

時難轉覺保身難難向師門欲繼顏若把白衣輕易脫  
却成青桂偶然攀身居劔戟爭雄地道在乾坤未喪間  
必許酬恩酬未晚

一作得

且須容到九華山

寄溫州崔博士

懷君勞我寫詩情  
宰宰陰風有鬼聽  
縣宰不仁工部餓  
酒家無識翰林醒  
眼昏經史天何在  
心盡英雄國未寧

好向賢侯話吟侶莫教辜負少微星

李昭象云與二三同人見訪有寄

得君書後病顏開云拉同人訪我來在路不妨衝雨雪  
到山還免踏塵埃吟沈水閣何宵月坐破松巖幾處苔  
貧舍款賓無別物止於空戰大尊罍

自江西歸九華

他鄉終日憶吾鄉及到吾鄉值亂荒雲外好山看不見  
馬頭歧路去何忙無衣織女桑猶小闕食農夫麥未黃

許大乾坤吟未了揮鞭回首出陵陽

和友人見題山居水閣八韻

池閣初成眼豁開眼前霽景屬微才試攀簷果猿先見  
纔把漁竿鶴即來修竹已多猶可種豔花雖少不勞栽  
南昌一榻延徐孺楚國千鍾逼老萊未稱執鞭奔紫陌  
惟宜策杖步蒼苔籠禽豈是摩霄翼潤木元非澗下材  
鑿已每將天作鏡陶情常以海為杯和君詩句吟聲大  
蟲豸聞之謂蟄雷



御定全唐詩卷六百九十二